

四庫未收書輯刊編纂委員會編

四庫未收書輯刊

北京出版社

玖輯·拾柒冊

四庫未收書輯刊

四庫未收書輯刊編纂委員會編

北京出版社

〔清〕史申義撰

使滇集三卷

清康熙刻本

玖輯・拾柒冊目錄

使溟集三卷〔清〕史申義撰

一

含星集四卷〔清〕王譽昌撰

三九

京華集一卷〔清〕朱載震撰

七五

半處士詩集二卷〔清〕馬惟敏撰

一〇七

陳學士文集十八卷〔清〕陳儀撰

一三一

霞光集四卷〔清〕沈鍾撰

五二五

延綠閣集十二卷〔清〕華希閔撰

五八三

〔清〕史申義撰

使滇集三卷

清康熙刻本

使滇集三卷江都史君蕉飲秦命滇真也其友人青浦王原序之曰滇古梁州之域之區有壑焉周三百里源深而末陜如倒流名曰滇池史稱夜郎之西靡莫之屬滇最大是其地也其先為白氏國商周世通朝貢牧野誓師列於征隊楚頃襄王使將軍莊躋略地至滇會秦併黔中道梗因畱王其地遂為莊氏國比秦常頌通五尺道漢唐蒙通爰道頗置吏然猶未盡臣服也武帝元封初滇王降始置益州郡其後漸除刺史蜀漢南征功最顯著析益州為二始有雲南郡自晉以

使滇集王序

降更置非一名隸版圖第羈縻而已唐天寶年叛降吐蕃屢發兵討之不能克劉灣詩云白門太和城來往一萬里又云哀哀雲南行十萬同已矣蓋傷征行之無功也迨貞元初始內附香山樂府云蠻子朝泛皮船今度繩橋來自雋州道路遙其云開元皇帝雖聖神惟蠻倔強不來賓鮮於仲通六萬卒征蠻一陣全軍沒即灣詩所云也蓋其首憑深阻峭乍臣乍驕宋太祖以玉斧畫大渡河曰此外非吾有懲前事爾當是時蒙氏段氏相繼竊據元代始征服之設行省明因其緒漢土雜治居然

為聲教之所訖班於冠帶之倫矣我

朝恢八紘之網弘無外之治滇雖去京師萬里服教畏神比於近縣故至其地者無行役之勞有窮睎極覽之樂且自漢武帝遣司馬相如建節入牂榆諸部滇人盛覽張叔從其受學司馬遷為郎中時亦嘗奉使略印笮昆明韓說開益州授經教學滇之文教肇於漢代肆尹珍張志成之徒後先輩望阿瞿羌奴夷女子流亦嫺吟詠而又漸漬於閭丘均楊慎鄧漢諸君子風流弘長儒雅之澤彬彬乎於今為烈已史君生際承平以待從臣操玉尺

使滇集王序

馳傳而往歷黑爨白蠻之故墟考常璩李京之紀載山則有金馬碧雞點蒼九盤之危峻水則有金沙闌滄昆明洱海怒江盤江之阻深微則有鐵柱鐵橋龍首關嶺之險隘其地有岐尾之蛇暗飛之蠱瘴母之毒食鐵之貊嗜蜜之福羅能言之猩猩而且有麥宗禽語之書阿毗躋出之字蚌膽麟竭馬金囊鮀蛤蚧之奇藥雞蹤蒟荔仁頻抹猛古度之果蔴桐華之布枕榔之麪占歲之木牝牡之肥井泉之鹽霧海之駒他如振山之銅臨安之錫貢古之銀連以及黃金水硯光珠琥珀琉璃水精空

青丹沙碑渠犀象翡翠孔雀珍怪之物非世目之所恒觀其夥者乃被乎中土王公氓庶之所仰以食以用也君至其地既羅其鴻材駿生登之賢書作貢王國而以其間攬名物弔古蹟如明月之盟社大靈之誓碑乃至武侯之戰壘潁川西平之屯牧王禕吳雲盡節之處少帝行遜之所近若孫李

使道集 王序

三

黔莊躋南略之路也黔楚余之舊遊而君往還所經趙衛之郊余故亦嘗涉足凡余所徘徊憑弔寓於目感於心而不能道或道之而不能盡者乃一於君詩見之蓋山水事物之奇待人而傳真黔之間清淑之氣盤薄鬱積靡所發洩唐李太白長流夜郎中道而返千年靈闕抑若有待豈不然與夫荆門夔巴之勝傳自杜陵柳永潮瓊之迹發自柳韓蘇氏是皆遷謫流離冤憤宛結故往往假荒怪以寫憂託要眇以申恨若君使節所臨百吏承風負弩郊迎先生驛路蓋所遇之時不同過古人遠

矣顧君之詩寄寓深隱含毫邈然亦似有輪囷之在抱騷屑之嬰襟余乃以歎大雅才人臨乎徬徨矚乎幽曠苟遇乎其外靡不有槩於其中今昔一軌殆不繫乎遇之同不同也噫知此者乃可以論史君之詩也夫康熙四十三年甲申歲仲春五日書於京師永光寺西街客舍

使道集 王序

四

天下之異境在中區者什得二三在邊徼者什且八九天下之異才在中區者什伯之一二而在邊徼者不一生焉夫天生異境既未嘗輒生異才天生異才又未嘗使之輒至於異境斯二者一彼一此曠世不相值山川邈然無有爲之發露者豈天之故靳之耶誠不得其人以屬之也蠶叢魚鳧以來白鹽赤甲之異不知其幾千年矣直至於唐而天始以屬之子美則寓之於夔梓之間竹王所闢焚道牂柯之異不知其幾千年矣天以屬之太白而使長流於夜郎尉陀微側之故墟龍城柳州尤

使真集 類序

異天以屬之子厚而使之謫居於其地異境之在蜀與黔與粵皆得其人如此若於滇則未有屬也而天若終靳焉以至於今然吾考之史曰靡莫之長滇爲大自桐師以東北至葉榆名爲篤昆明地方可數千里蓋雖在邊徼最爲險遠而較之蜀黔與粵反獨勝博南之山蘭津之水幽谷回谿阻深峭蒨天下之異境也山川清淑之氣度非哀牢九隆所能有响叮亡波所能擅桐華濮竹之產不足發其英金沙光珠軻蟲虎魄之寶不足洩其蘊赤罽紫毼蘭干之布織成文章不足揚其采孔翠通

犀封牛貊獸不足殫其怪金精神馬縹碧之雞不足耀其靈彼其鬱積磅礴無所發露必至大暢乎文詞諧於金石貫於星雲蔚爲一書而後山川清淑之氣囊括而無餘然自有滇以來未之或有矣康熙己卯雲南鄉貢之歲史蕉欽先生奉命往典厥事吾固知天之靳滇既久乃今而始有屬也又四歲余來京師先生出其使滇詩三卷示余余受而讀之益自信向者之說爲篤論先生之詩之嶄然高者與滇之山爭長泓然深者與滇之水爭流入於九幽抗於九霄窮搜溟濔而獨寶其清虛

使真集 類序

月銀季鍊矜慎不輕出異才之與異境幸而相值豈漫然云爾哉惟是天以滇屬先生且假以皇華之使文章之柄擁傳翺翔行賞居送以視太白長流柳州竄逐與子美之饑寒避地苦樂相萬矣何滇之遇先生特遲而先生之遊滇獨幸歟乃余聞先生已邈之役杜請謁收寒雋雖至撤棘居使院亦戒鈴卒勿輕通一客惟大吏之廉正者稍與欵接一切饋遺無所受歌舞酒肉之筵無所與歸裴蕭然扁舟徑去先生之孤清高寄不染世態如此不獨異才亦異人矣顧圖河謹誤

滇蓋南之極邊也禹導黑水至于三危入于南海
即今瀾滄江雲龍州有三危山瀾滄經其麓有黑
水祠是也武王東征髡人濮人與焉濮今姚安楚
雄間擊今定遠也滇之見於尚書者如此其風化
之來不有自耶自莊蹻王滇而後漢置郡縣治益
州迄隋唐南詔始興宋段氏據大理皆竊名號患
苦邊吏文治不能及儒臣至其地者蓋鮮元世祖
起漠北乃中原未定先親下大理移置雲南於善
闡明有天下徙謫戍實之於是科目日盛彬彬與
上國同聲教矣我

使滇集 卷序

國家拓境最廣凡上世所不臣者多置吏而滇用
兵顧獨久意者盛美之化固有待歟距削平之歲
凡十有八年歲舍已卯編修江都史蕉欽先生司
大比之役奉使其地先生文采風流照映大江南
北其詩較轢古人下可使人諷詠以和平其心而
上可被之管絃薦之郊廟向嘗著蕪城集海內奉
爲法程今以鉅手鴻文遠臨南徼六詔之髦士盡
網羅致之其試士之文風行遠近不但南人頌其
知人能得士已也輶軒所至凡有感觸悉見之於
詩於是有使滇集三卷而使予爲之序予嘗學禮

至世子篇見夫司成父師小樂正大樂正大胥
師籥師丞各舉其職而胥獨鼓南注家以爲南南
夷之樂引周禮旄人教夷樂則鼓以節之爲解詩
曰以雅以南以籥不僭南亦以南夷之樂當之朱
子則以南爲二南說不必盡同也明堂位曰昧東
夷之樂也任南蠻之樂也納蠻夷之樂於太廟廣
魯於天下也然則南音固樂之所不廢者耶竊疑
六代之樂盡善盡美不可勝用何獨於南乎取之
教世子學士既致於宮薦祖宗復納於廟此與齊
人之奏侏儒其何以異而謂夸大以爲美觀當不

使滇集 卷序

然也蓋南者生育之鄉助成長養莫大於是舞之
鼓之宣洩鬱滯銷其殺伐嚴勁之氣而納之以仁
義中和殆於南有得焉非謂其震服遠方而用之
也獨是先王之教以南配雅而先生之才則以雅
變南況此集中江漢汝墳無一不具將見後日之
南真如朱子所稱二南而非復所爲南夷之任之
舊則由是而奏之於學升之於廟六代之樂或無
讓焉南方兵氣之銷而文教之盛從茲始也宿松
朱書序

使滇集上卷

江都 史申義

乾清門引見恭賦

曠日觚稜曉天閭劔珮開玉除羣謁 帝丹詔正

求才香影螭頭動鞭聲豹尾催誰知懋勤意隔夜

六龍廻時南延閣河方同樂

帝澤東南徧虛縻列直廬諸儒婉經術 天子急

河渠授簡陪雕輦吹藜較玉書不才叨顧問 聖

代網羅疎

奉

使滇集上卷

命之滇南 陸辭紀 恩有作

十年簪筆侍西清叱馭初爲萬里行才婉輶軒周

太史心憐池水漢昆明爽人解誦相如賦蠻女時

登諸葛營指點南中多氣象彩雲曾使武皇驚

叩竿西南屬國偏名關金馬碧雞連山交百粵分

黔界水入三湘盡楚天盛世王褒能獻頌雄才莊

躋善開邊戕我江上瞻霄漢心事常爲捧日懸

夜郎一線路千盤銜 命何知蜀道難書卷輕裝

嫌蕙苳人才空谷有芳蘭百蠻歌動堯天潤六詔

風清湯網寬絃誦一時霑 聖澤青袍吾忍負孤

寒

畱別同學姜西溟楊崙木王紫詮赤抒湯

西厓嚴寶成查荊州聲山吳元朗錢亮

工徐大臨蔣揚孫諸子

游好在文史清襟數子存朝來折楊柳送我春明

門執手弟兄意銜盃肺腑言滇雲眇天末此別最

消魂

良鄉早發

爛爛明星露未乾風林河影有無間鐸鈴遶石岡

邊路已入雲陰獨鹿山

使滇集上卷

白溝驛

漸車渡桑乾石梁初日灼一眺督亢陂川原塵漠

漠三日薊門遠到眼紛巖壑帝京景物饒苦爲微

官縛青山遶馬蹄如解客行樂散髮弛襟帶清風

一企脚雄雞憐斷尾詎慕乘軒鶴朝來後騎驅忽

訝鳴騶錯旌旗出樹杪鼓吹喧林薄謂予持使節

伏謁出城郭世事偶然耳登車幸不落君無持手

板輓我舊芒屨

保定感舊

幕府初開日曾畱寶劔裝青山看落帽明月映胡

牀上客題鸚鵡佳兒咏鳳皇
難忘鉅鹿意鄰笛起山陽

與朝定侯

弱冠已相識長楊較獵時
聲名四姓貴才器九重知
單騎賊圍解鴻文政府垂
即今畿輔地膏雨待君施

新樂寓樓甚涼安眠竟夜

樓上南風吹葛衣橫陳笛簟淨
琉璃綠沉瓜映冰壺冷
枕畔月明人不知

蘭相如墓

使君集上卷

連城十五半丘墟英氣猶存擊缶書誰信
文園病

司馬一生惟慕蘭相如

真定

井陘形勝登危疆雲氣晨流接太行
慷慨幽并多劔俠風流河朔挾名倡
重關地自周秦險百戰名垂頗牧良
十里城陰人歇馬水邊風動芰荷香

恒山驛館作家書附回京使

牆角流螢映竹明後棲烏定漸無聲
那知神女樓邊客夜半家書寫未成

渡滹沱河

河流決滹氣憑陵風捲魚龍濁浪層
今日炎天呼嘯過可知騎馬渡堅冰

樂城懷古

樂氏昔全盛七世爛鐘鼎美人充後庭
玉帛馳四境壓也馬首東武子德不永
緬維匠麗遊恩寵由倖倖既修三卻怨
遂此逆節逞老牛莫敢尸一語涕縻縋
不待孺子盈兵已集其頸傷哉興皂盡
蕭條空里井鴉噪暮雲低風吹古槐影
淫侈理相及禍機伏衾枕君看州賓事
千載爲齒冷

順德

使君集上卷

四

襄國河山割據初邢侯臺古竟何如
天低泚水愁雲繞草沒沙丘石寢虛
國士有靈橋下馬美人無伴鼎中書
不堪倚嘯東門意王衍窺人恨有餘

邢臺懷舊有寄

十歲芙蓉裙春堤遶行跡桃花醵面
時兒有好顏色今日馬上人當年詎
相識緘詩一寄君閒倚繡牀立

邯鄲

詩咏茗華酒乍迴鼓琴曾此上叢臺
沙丘宮閉雀飛盡可有吳娃入夢來

高樓賓客鼓鐘喧肝膽難憑樽酒論欲爲布衣畱
十日買絲無計繡平原

玉臺明鏡閉青春千古紅顏恨尚新滿目邯鄲餘
斯養蛾眉何地哭才人

磁州城北長堤垂柳無際兩邊陂澤皆種

荷花頗似故鄉景物是日風雨

何處楊柳風水雲三十里蕭蕭菰蒲聲微雨落復
止白蓮始作花香氣冥濛裏時有鶯鶯飛烟波憂
空起涼吹滿襟袂江南夢清泚

漳河

使集上卷

五

臺荒銅雀草成窠消歇西陵總帳歌回首英雄疑
塚盡曉來風雨渡漳河

彰德感鄴下事作

鄴都昔日盛歌舞曹公父子天人姿酒酣命客賦
銅雀七子簪履連南皮讀書射獵一門事甘蔗舞
杖巾彈基臨苗傅粉科頭嬉跳丸擊劒清飈吹公
昔年少嗜鷹狗頭沒杯案無威儀倡優音樂不離
側旁皇愛子生嫌疑橋公二女袁氏婦傾城顏色
生同時西陵墓田顧諸伎餘香履組言尤悲如何
玉鏤金帶枕五官將爲東阿貽魚山梵唄忽入耳

洛神冉冉香魂離徐陳應劉俱物化軍旅書檄增
歎歎人生哀樂情推移少壯意得衰老馳月明星
稀烏鵲飛此非往者孟德詩傳示孫郎帳下兒英
雄氣盡嗟何爲春水方生公速退清漳宮殿有花
枝金牀玉几眠不得祇令千載傷陳思

韓陵

北地論人物詞華若箇能韓山一片石差可對徐
陵

浣衣里

碧血年深化帝衣人中野鶴見應稀榮陽舊宅當
時在不肯閑尋駿馬歸

使集上卷

六

湯陰謁岳忠武祠

旗捲神靈雨金戈夜半聞丹青懸日月血食慘風
雲二帝瓊裘長中原士馬分至今大河北愁說岳
家軍

過淇水

行邁西林晚河濱有釣簑思歸衛女引去國役童
歌雲物滑臺隱泉流綠竹多迴車悲墨子去矣意
如何

望枋頭城

手種金城柳幾春八州士馬遣行頻不知一敗枋
頭後仍否王敦是可人

衛輝道中

殷墟草樹荒太息朝歌道何年邯鄲國遠恣孟門
眺牧野古戰場悲風起斜照商周陳事多過眼同
燿燿遺榮緬賢達獨往性孤峭彈琴翫易卦靜理
極研妙嗟我鹿麋儕名山望同調遠慙禽慶遊近
媿孫登嘯

榮澤

弘演納肝地英靈萬古悲風酸月黑夜鬼哭衛侯

旗

鄭州

路入滎陽感慨生東遷晉鄭事縱橫教倉粟據三
川險廣武兵羞異代名山外虎牢爭落日河流滎
澤背孤城成臯歷歷咽喉地一指金堤望汴京

新鄭

士女河橋晚風吹芍藥愁多情湊洧水城下只雙
流

潁亭

水亭閑繫馬涼雨忽飄蕭滴淚念兄弟遲回清潁

橋

禹州

塵點征衫一月程朝涼忽覺馬蹄輕潁川風滿釣
臺驛嵩少雲遮上棘城路入舞陽山不斷田分犂
櫟水常清獨憐朱邸笙歌歇帝子宮牆蔓艸生

襄城

巍巍百雉壯提封一爲天王問故宮人士傳聞汝
潁利川原直並雒臯雄六王隧道烟蕪亂七聖遺
碑鳥篆空汜水閑花開謝裏不堪隗后泣殘紅

襄城曉行

煙樹微茫夜氣漫汝南雞唱月初彎經過七聖皆
迷地騎火星攢問首山

葉縣

市南宜僚劫不得楚王殿上劒花白怒挾豫章熊
羆力惜哉奔山計不克英風免胄長驅入猶爲王
孫烹石乞我今一弔沈諸梁黃柏溪南好山色

裕州

驅馬赭陽近連岡古堞平人賢漢廷尉地重楚方
城寂歷看禾黍悠揚信旆旌趙河西券水鳴咽古
今情

南陽

春陵佳氣從天下白水真人識非假絳衣大幘美
鬚眉不愛騎牛愛騎馬漢公兵法六十家將軍一
笑何爲者雷輓雨若虎豹哀破人心膽昆陽瓦英
雄至性絕酒肉卧席啼痕爲兄灑太公分我一杯
羹亭長何人恩意寡

卧龍岡

蜿蜒龍卧處喬木蔭清暉誰識漢丞相南陽一布
衣

魚水君臣契艱難鼎足成不才君自取一語痛平

使漢集上卷

九

生

抱膝閑吟者南征事若神憐予萬里役行作渡瀘
人

新野

河漢西流露氣清空堂已有草虫鳴今宵蕭瑟蘭
成宅不看黃姑夢亦驚

時方
七

婚宦平生悔有涯十年窮子正迷家執金吾已無
心羨難釋閒愁陰麗華

官僚清選府中趨才藻門風一代無東海從誇名
父子當時原有庾肩吾

新野道中

蒼莽中原橫槩過健兒騎馬一悲歌北來宛葉人
家少南下荆襄戰壘多名士綸巾閑歲月將軍大
樹滿關河前驅已泛漢江棹應看白鷗飛帶波

襄陽雜詠

樊城燈火映江樓水面清音起棹謳若到江臯訪
遺事夜深神女弄珠遊

斜陽欲落峴山西酩酊山公馬上迷簫鼓習家池
畔散醉歸還聽白銅鞮

大堤花發半江紅楚女腰支瘦倚風妾食猩唇郎

使漢集上卷

十

食鯉蹋歌多愛月明中

呼鷹臺廢野雲黃百丈空聞麝有香堪笑景升無
智畧但留豚犬比兒郎

殘碑峴首晚江愁清淚年年墮未收緩帶輕裘羊
叔子還從鈴閣擅風流

不見龐公棲隱處鹿門山月照人秋漢江無際鴨
頭綠那得潮從西北流

三峴亭邊噪夜烏萬山潭下摸龜趺口銜石闕都
休管請過檀溪躍的盧

春秋博奧義誰諳故紙穿尋愧蠹蟬嗟我從來有

書癖一生低首杜征南

談義風流重士林南朝人不戀華簪柳家雙鎖今
零落花月閑坊冷玉琴

鑿齒才名較二難輕車一笑載蹢躅南征利獲一
人半羞並彌天釋道安

布衣間氣至今傳臨頓煙波號散仙細與從前數
耆舊漢臯山水得人憐

登臨我輩感常新陵谷遷移悵幾春金鼠橋南穀
隱寺元丞曾是讀碑人

平生情性狎滄浪兩月流涎玉鱸香欲釣槎頭那
可得逢人先問捕魚郎

《便江集》上卷

十一

楚天吟思感秋蓬倦客欹眠燭影風惟有襄陽孟
夫子解憐疎雨滴梧桐

晚宿宜城

白沙翠竹羅川路盡是使星飛映處桃林月暗露
沾衣遙見檣烏作隊飛驛樓蓼盡二更車徒繹
絡馬嘶聲怪我投林開笑口今宵也酌宜城酒

詠古三首

宋玉

吾愛宋大夫風流映荆楚姿容妙閑麗蘭蕙屬言

語明月不妄照詎慕東鄰女微詞善相感脉脉神
靈許巫山十二峰縹緲行雲雨平生風義在慟哭
湘江渚哀深九辯文招魂無定所景差與唐勒詞
賦好儔侶異代哀江南傷心庾開府

王延壽

吾愛王文考英聲驚藝苑知名甫髫髻餘事精書
算清風侍中書瀏覽幾千卷偶為齊魯遊一賦靈
光殿高文金石宣奇氣風雲變壓倒蔡中郎無心
弄柔翰湘流遺恨多魑魅古為患因君感噩夢重
起靈均嘆

《便江集》上卷

十二

黃憲

吾愛黃叔度皎皎鸞雀姿清輝揚八極盛德炳兩
儀早應公府辟晚臥荒江涯足知三公綬無與千
頃陂遐哉郭有道清識驚鬚眉風塵逆旅中有此
牛醫兒人生寡道力鄙吝消無時願追顏氏子孔
門稱庶幾

鄢城驛

昨朝漢水渡今夜鄢城驛明月滿山阿清泉流白
石蕭蕭梧竹間何處羅含宅秋堂不成寐起視庭
廳跡

荊門州曉發

郢門南接水雲鄉石徑塵消夜氣涼望裏未知紅
樹斷暗中微覺白蓮香楚天秋早難逢雁澤國寒
多易有霜五里松檉下坡路照人山月曉蒼蒼

荊門又得一絕

八字山光曉露垂臨流終日學蛾眉不知漱玉亭
邊客誰賦儂家一首詩

建陽驛

洵洵江聲夢裏聽塵勞多少短長亭環門營哨森
刀槩徹曉山農響柝鈴白月墮時雞唱杳黃茆平

便讀集上卷

三

處虎風腥燃松呼歎前邨過已有峰巒展翠屏

荊州懷古

郢都高築渚宮開風雨三湘七澤來江上射麋公
子轡宮中滅燭美人杯齊秦割地無長策屈宋憂
時豈賦才火入夷陵三戶少細腰臺殿總成灰
鼎足孫劉勢已成霸才無主日縱橫天連巴蜀方
爭險地接襄樊好用兵野草自荒劉表塚愁雲不
散呂蒙營公孫當日依人者長篴危樓百感生
江左安危踞上游六朝門戶擁貔貅鼓鼙處處喧
南郡烽火年年照蔣州封豕長鯨勞上將金楨玉

幹比強侯枇杷門外梁元帝眇眇真爲北渚愁

葉葉風帆月峽過虎牙山勢遠嵯峨人家折竹常
驅鬼士女分棚戲拔河長袖知誰工楚舞短簫吾
欲聽巴歌江陵從道衣冠藪何獨琵琶比甌多

公安

孱陵孤驛野塘東煙景低迷問左公萍葉乘潮常
帶雨飛螢過水亦依風叢祠火射葭葉響艇子歌
搖港汊通浦口劉郎相待久水天閑話幾人同

澧州

山家清曉乍開窓練帶禽飛向月雙一夜林塘雨

便讀集上卷

十四

新霽秋風吹髻渡蘭江

清化驛山家

征人起殘夜曉月橫煙林是時住山者焉知行客
心屋角露初泣雜卉交秋陰幽響滴洞穴濺濺泉
壑深磽戶閉更遠空谷無招尋烟際野鶴飛遙寄
雲山吟

武陵道中

石壁緣溪轉青林雨過時山深伏波廟雲冷屈原
祠浦口生明月人家唱竹枝南湖諸艇子今夜采
菱遲

泉流近五溪塵夢此應稀夜雨芙蓉落晴灘灘
飛山寒初捲簾露重早添衣斑竹前岡路家家盡
掩扉

木葉那肯脫青蒼露石根溪亭當竹徑山寺截松
門秋水鳬鷺驚遠城陰蒨荔繁閑雲飛不起江上易
黃昏

武陵

明滅雲端翠巘層穿林微月暮烟凝桃花流水春
風路今日分明到武陵

發武陵

青嶂蠻雲合紅桃沅水陰袁郎吹笛處惆悵武陵
深

武陽望不極欲問五溪蠻隔水樵人指雲遮河湫
山

驛騎爭投市販溪何處邊忽時山雨至茆屋濕炊
烟

桃源縣

朗水秋風一夕涼楚詞低詠芙蓉裳鷓鴣聲裏霏
霏雨盧橘陰中漠漠香山石無情忘魏晉江流有
意合沅湘不須盡聽巴渝曲看遍青峰到夜郎

桃花源

始入綠蘿山松栝吹清風蕭蕭人馬影已行空谷
中翠壁互倚側煙霏轉濛濛秋花各呈態石上紛
青紅溪聲四面來寒玉鳴琤琮前山望乍斷絕境
幽仍通頽嵐杳藹間蘿薜垂丰茸行度白馬江
水清玲瓏臨江石欲壓遊鯈穿蒲葢古傳浪光天
白雲奔西東洞壑亦無數秦人焉可逢年年桃花
綻惆悵釣魚翁

馬鞍關

連峰勢奔峭高掌接沅瀆俯瞰不測谿冰雪瀉碎
泝谿谷口入縱馬意差快轟起峙兩峰中凹石
徑隘取物象馬鞍造物弄狡獪風狸虎狼窟月黑
苗獠若戈鋌細碎仇何暇數成敗老樹露腔腹槎
牙枝未壞鷓鴣枝上聲攢羅紛百恠簡書迫于役
太息垂堂戒

辰龍關

松勢蔭遠阜十里寒濤聞兜羅漲白巖爛銀光續
紛紛訝疑積雪久知屯高雲峻嶺削萬丈排窾青
冥分天門誰劈劃鬼斧開氤氲凌兢度一騎何以
通千軍往者鯨鯢橫滇海連楚氛辰陽楚門戶此